

29 IANUARIE
RUGACIUNEA 1
SF. IERARHI
GHERASIM, PITIRIM SI IONA
AI PERMULUI

Молитва

О святителие Христовы Герасиме, Питириме и Ионо! К вам, яко чада ко отцем, во смирении сердца с верою и любовию вси притекаем и умиленно молимся: предстательством вашим со равноапостольным Стефаном испросите у Господа нам покаяние и прощение всех вольных и невольных согрешений наших, да преуспевающе во истинней вере и благочестии, явимся достойни милости Его неизреченныя. Будите, святителие Христовы, теплии о нас пред Богом заступницы, да умирят и укрепят Господь Святую Церковь Свою, да обратятся к вере неверующии, да вразумятся заблуждающиися, да престанут соблазны и нестроения. Ограждайте ходатайствы вашими государство Российское и молитесь выну ко Господу, страждущую страну нашу Российскую от лютых

безбожник и власти их да свободит, и да
возставит престол православных правителей;
верных рабов Его, в скорби и печали день и
ночь вопиющих к Нему, многоболезный вопль
да услышит и да изведет от погибели живот
наш, да тихое и безмолвное житие поживше в
веще сем, христианскую кончину и добрый ответ
на Страшном Суде Божии улучим и наследницы
будем Небеснаго Его Царствия во веки веков.
Аминь.